



Pranuar / Dorezuar Primitjen/Prodato Received/Delivery	13.12.2022	2	viti god year
Organ /Njesia Organ./Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKMESHICX	8024/2022		114



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr. 431/2021

Këshilli i Pavarur Mbikëqyrës për Shërbimin Civil të Kosovës - Kolegji për shqyrtimin e ankesave i përbërë nga: Eshref Shabani-kryetar Ardita Haxhnikaj-Demi dhe Jeton Koca-anëtarë, me Çlirim Zeka - Zyrtar i Lartë për Bashkëpunim Profesional në cilësinë e procesmbajtësit, duke u bazuar në Aktgjykimin A.nr.2790/21 të datës 15.11.2022 të Gjykatës Themelore në Prishtinë Departamenti për Çështje Administrative kanë shqyrtuar ankesën A. nr. 431/2021 të datës 21.05.2021, të parashtruar nga grup ankuesish

të cilët me autorizim i përfaqëson avokati si dhe ankesën A.nr. 430/2021 të datës 21.05.2021 të parashtruar nga grup ankuesish

dhe të cilët me autorizim i përfaqëson avokati Ilir kundër organit të punësimit Agjencia e Menaxhimit Emergjent, në çështjen juridike "Kompensim Material", duke vepruar në pajtim duke vepruar në pajtim me nenin 6 paragrafin 1 nën paragrafin 1.1 nenin 16 paragrafin 3, nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 13.12.2022, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës, shpallet jo kompetent për të vendosur lidhur me ankesën A.nr.431/2021 të datës 21.05.2021 të parashtruar nga grup ankuesish si dhe ankesën A.nr. 430/2021 të datës 21.05.2021 të parashtruar nga grup ankuesish dhe e parashtruar nga grup ankuesish të cilët me autorizim i përfaqëson

A r s y e t i m

Ankuesit dhe grup ankuesish, të përfaqësuar nga avokati më datë 21.05.2021, kanë parashtruar ankesë me Nr.Prot: 2532/2021 si dhe ankesë

me Nr.Prot: 2531/2021 në Këshillin e Pavarur Mbikëqyrës për Shërbimin Civil të Kosovës me pretendimet ankimore për kompensimin e shpërblimit jubilarë.

Këshilli i Pavarur Mbikëqyrës për Shërbimin Civil të Kosovës, bazuar në Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 04.06.2021 si dhe me datë 25.05.2021 ka dërguar kërkesën për përgjigje në ankesë të ankuesve tek Agjencioni i Menaxhimit Emergjent. Ndërsa më datë 14.06.2021 si dhe me datë 31.05.2021 Këshilli ka pranuar përgjigje në ankesë nga Agjencioni i Menaxhimit Emergjent.

Këshilli i Pavarur Mbikëqyrës për Shërbimin Civil të Kosovës, me datë 06.07.2021 përmes Njoftimit me numër protokoll 3491/21 si dhe Njoftimit me numër protokoll 3681/2021 me datë 13.07.2021 ka njoftuar ankuesit se nuk mund të vendos lidhur me ankesën A.nr.431/2021 të datës 21.05.2021 si dhe ankesën A.nr.430/2021 të datës 21.05.2021, për shkak se Këshilli nuk ka anëtarë, dhe ka udhëzuar të njëjtit mbi të drejtën e inicimit të procedurës gjyqësore në pajtim me Ligjin për Konfliktin Administrativ.

Ankuesit kanë ndjekur procedurat e tjera, duke iniciuar konflikt administrativ pranë Gjykatës Themelore në Prishtinë Departamenti për Çështje Administrative. Gjykata Themelore në Prishtinë Departamenti për Çështje Administrative me datën 10.11.2022 ka nxjerr Aktgjykimin me numër A.nr.2790/21, i njëjti në Këshill është pranuar me datë 15.11.2022 sipas të cilit ka aprovuar kërkesëpadinë e paditësve dhe ka anuluar njoftimin e Këshillit të Pavarur Mbikëqyrës për Shërbimin Civil të Kosovës të datës 06.07.2021, duke e detyruar Këshillin e Pavarur Mbikëqyrës për Shërbimin Civil të Kosovës që brenda 30 ditësh të vendos për ankesën e datës 21.05.2021.

Kolegji për shqyrtimin dhe vendosjen e ankesave ka administruar këto prova: Ankesën me nr. Protokoll 2532/2021 të datës 21.05.2021 e parashtruar nga grup ankuesish përmes përfaqësuesit të autorizuar në Këshillin e Pavarur Mbikëqyrës për Shërbimin Civil të Kosovës; Ankesën e datës 22.11.2021; Aktgjykim i Gjykatës Themelore në Prishtinë Departamenti për Çështje Administrative me numër A.nr.2790/21, i njëjti në Këshill është pranuar me datë 15.11.2022; Ankesën me nr. Protokoll 2531/2021 të datës 21.05.2021 e parashtruar nga grup ankuesish përmes përfaqësuesit të autorizuar në Këshillin e Pavarur Mbikëqyrës për Shërbimin Civil të Kosovës; Ankesën e datës 22.11.2021;

Kolegji për shqyrtimin dhe vendosjen e ankesave pasi ka shqyrtuar provat e lartshënuara të bashkëngjitur nga ankuesit ka konstatuar se Këshilli i Pavarur Mbikëqyrës për Shërbimin Civil të Kosovës, është jo kompetent për të vendosur lidhur me ankesën e ankueseve

dhe

Bazuar në shkresat e lëndës Kolegji ka gjetur se ankuesit e poshtë shënuar janë të punësuar në Agjencinë e Menaxhimit Emergjent në kuadër të Ministrisë së Punëve të Brendshme. Ankuesja e punësuar në pozitën "Zjarrfikës", ankuesi i punësuar në pozitën "Zjarrfikës", ankuesi i punësuar në pozitën "Zjarrfikës", ankuesi i punësuar në pozitën "Zjarrfikës", ankuesi i

punësuar në pozitën "Zjarrfikës", ankuesi i punësuar në pozitën "Ndihmës Komandant për punë operative", ankuesi i punësuar në pozitën "Zjarrfikës", ankuesi i punësuar në pozitën "Zjarrfikës" dhe ankuesi i punësuar në pozitën "Komandant i Brigadës së Zjarrfikës".

Kolegji për Shqyrtimin dhe Vendosjen e Ankesave lidhur me kompetencën e shqyrtimit të lëndës, ka analizuar dispozitat e Ligjit Nr.06/L-114 për Zyrtarët Publikë, neni 2 paragrafi 1 dhe 2 përcakton se: "Me këtë ligj rregullohet marrëdhënia juridike ndërmjet shtetit dhe zyrtarëve publikë. Zyrtarë publikë janë: Nëpunësi i Shërbimit Civil (në tekstin në vijim: nëpunësi civil); Nëpunësi i Shërbimit Publik; Nëpunësi i Kabinetit; dhe Nëpunësi administrativ dhe mbështetës" përkatësisht neni 2 paragrafi 4 i të njëjtit ligj ka përcaktuar se: Nëpunësi i Shërbimit Publik - është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejta për qytetarët në fushën e arsimit, shëndetësisë, kulturës, artit si dhe shërbime tjera të ngjashme publike", gjithashtu Kolegji ka pasur parasysh edhe autorizimet e Zjarrfikësve gjegjësisht nenin 14 të Ligjit nr. 04/L-049 ku përcaktohet se "Autorizimi i Njësisve të Zjarrfikjes dhe Shpëtimit në detyrë 1. Komandantët janë të autorizuar për dhënien e urdhrave njësisve të tyre të zjarrfikjes dhe shpëtimit si në vijim: 1.1. të hyjnë në banesë apo në shtëpi pa pëlqimin e pronarëve nëse ekzistojnë shkaqet që paraqesin rrezikshmërinë për njerëzit dhe pasurinë e tyre; 1.2. të ndalojnë qarkullimin e automjeteve, praninë e personave të pa autorizuar në vendngjarje ku bëhet intervenimi derisa të arrij policia; 1.3. të njoftojnë policinë për të siguruar vendin e ngjarjes dhe ndërmarrjen e masave të tjera për evitimin e dëmeve dhe pasojave që mund të ndodhin; 1.4. të evakujnë dhe largojnë personat dhe gjësendet nga vendi i ngjarjes si dhe përreth tyre, të cilat janë të rrezikuara nga zjarri i shkaktuar; 1.5. të ndërprejnë furnizimin me energji elektrike, gaz dhe burime të tjera të energjisë; 1.6. të ndërprejnë pjesërisht ose tërësisht rrjetin e ujësjellësit në zonën apo vendbanimin ku ka ndodhur zjarri, me qëllim të sigurimit të sasisë së nevojshme të ujit për shuarjen e zjarrit; 1.7. shfrytëzojnë ujin nga të gjitha burimet, pa marrë parasysh se kujt i përket pa ndonjë kompensim; 1.8. të rrënojnë pjesërisht apo tërësisht objektet nga ana e të cilit mund të përhapet zjarri, nëse përhapja e tij nuk mund të evitohet në ndonjë mënyrë tjetër; 1.9. të shfrytëzojnë mjetet e tjera të transportit për bartjen e personave të lënduar nga vendi i ngjarjes deri në Qendrën Shëndetësore më të afërt"

Andaj nisur nga kjo që u tha më lartë duke marrë për bazë dispozitat ligjore të lartshënuara KPMShCK shpallet jo kompetent për të vendosur për këto ankesa, palët udhëzohen që të ndjekin procedurën në Gjykatën kompetente për trajtimin e kërkesave të tyre.


Andaj, duke u bazuar në nenin 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, ku përcaktohet që Këshilli është kompetent të shqyrtoj dhe të vendos vetëm për ankesat e nëpunësve civil dhe kandidatëve për praninë në shërbimin civil, dhe duke marrë parasysh se ankuesit sipas konstatimeve të dhëna më lartë nuk e kanë statusin e nëpunësit civil, Kolegji i Këshillit konstaton se Këshilli i Pavarur Mbikëqyrës për Shërbim Civil të Kosovës nuk është kompetent për të vendosur lidhur me ankesën A.nr.431/2021 të datës 21.05.2021.

Vendimi hyn në fuqi ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
LËNDA NR. A. NR. 431/2021**

Çlirim ZEKA


Procesmbajtës



Vendimi i dërgohet:

Avokatit

Drejtorit të Agjencionit të Menaxhimit Emergjent;

Udhëheqësit të Personelit në Agjencinë e Menaxhimit Emergjent;

Arkivit të KPMSHCK-së